

餘姚縣志卷七

祥異

晉

太康四年彭蠡及蠡皆化爲鼠甚衆大食稻晉書五行志

建興元年冬十一月戊午己巳庚午大雨雷電民多震死

晉書五行志

大興四年秋七月大雨饑乾隆府志

咸和九年春三月丁酉地震晉書五行志

咸康元年至三年旱餘姚特甚米斗直五百人有相鬻者

晉書五行志

唐

餘姚縣志

卷七

祥異

開元十七年八月大水

大曆二年水災

元和元年大疫十二年水災

太和三年大風海溢四年五年大水害稼

開成四年旱

咸通中康熙志作十一年有異鳥極大四目三足鳴山林其聲曰

羅平占曰國有兵人相食案通鑑咸通元年刻賊裘甫改年羅平羽蟲之孽當因是興

天祐元年大雪以上唐書五行志

宋

天禧元年蝗

明道二年八月大水漂沒民舍七年七月餘姚大風雨海

溢溺民害稼大饑

景祐四年八月大水

嘉祐六年七月淫雨為災

熙寧八年旱

元祐八年海風駕潮害民田

元符二年十月朔江河水溢高丈餘有聲數日乃止

宣和六年水災

以上宋史五行志

建炎三年五月蝗暴至害稼六月縣治雨血沾衣

康熙志

紹興元年大饑疫二年薦饑五年旱六年饑九年十年薦

饑斗米千錢人食草木十八年八月大水害稼十九年大

饑二十四年旱二十七年大水二十八年大風水二十九

餘姚縣志

卷七

祥異

二

年螟薦饑三十年秋旱

宋史五行志

隆興元年八月大風水饑

宋史五行志

乾道元年正月至四月淫雨又大疫

乾隆府志

寒敗首種損蠶

麥大饑三年淫雨

康熙志

九月海溢七年大旱八年五月大

風雨漂民居稼盡敗九年旱

乾隆府志

淳熙元年大旱三年八月淫雨四年九月丁酉戊戌大風

兩駕海濤敗海隄二千五百六十餘丈溺死四十餘人七

年旱饑八年五月大水漂浸民居田稼盡腐大饑九年又

饑

宋史五行志

十四年旱

康熙志

紹熙四年四月霖雨至於五月

乾隆府志

壞圩田害蠶麥蔬陸

大饑

康熙志

五年七月大風駕海濤壞隄傷田稼

宋史五行志

慶元元年無麥康熙志二年大水四年六月霖雨至於八月

宋史五行志

嘉泰二年蝗康熙志四年旱宋史五行志

開禧元年旱宋史五行志

嘉定二年夏大水壞田廬害稼穡三年螟康熙志六年十二

月風潮壞海隄互八鄉九年大水十五年七月霖雨為災宋史五行志

寶慶二年大風海溢溺居民百十家乾隆府志

嘉熙四年旱饑宋史五行志

淳祐二年大水宋史五行志三年八月蝗康熙志

景定二年水宋史五行志

餘姚縣志 卷七 祥異 三

咸淳七年五月大風壞民居宋史五行志八年八月大水乾隆府志

十年四月大風拔木宋史五行志

元

大德五年海溢六年五月不雨至於六月乾隆府志七年海溢

十一年大旱饑疫康熙志

至大三年三月大雨水害稼乾隆府志

至元二年文廟火四年六月海溢乾隆府志

至正十二年旱自四月不雨至七月元史五行志十九年二十

年二十三年俱夏旱乾隆府志

明

正統七年秋海溢十二年蝗乾隆府志八月海鱉暴於塗長千

丈剗其肉餘萬斤潮至復去康熙志

景泰五年大雪自十二月至六年二月乃霽乾隆府志七年夏

旱饑康熙志

天順元年大旱饑二年三年旱薦饑五年夏旱蝗八年七

月海溢康熙志

成化七年九月海溢溺男女七百餘口大饑種稔幾絕康熙志

九年水溢壞田廬十二年大雨害稼水陷沒石堰場鹽

數十萬引乾隆府志案康熙志稱天順九年雙雁鄉洪

沒石堰場官鹽數十萬引考天順僅八年七月大雨水害稼

之二年必成化開事傳寫者誤移於彼耳今據乾隆府志正

之十七年十八年十九年皆大水饑二十三年秋大旱饑

人化為虎康熙志原注七修類稿云成化間餘姚通德

餘姚縣志而足尙未全自後遂不復還

卷七

弘治元年大饑二年四年又饑七年海溢十月至十二月

不雨八年正月至三月不雨十一年境內水湧高三四尺

猝平災饑十二年春不雨冬大寒姚江冰合十三年三月

不雨至五月晦乃雨江南災焚民居三千餘家傷百有八

人火渡江焚靈緒山民居二百餘家乾隆志十四年秋旱蝗

大饑十五年無麥七月大雷電海溢十八年九月地震雞

雉皆鳴响有妖民驚眾晝夜禦之踰月乃息康熙志

正德元年夏旱饑三年夏旱大饑四年七月大水十一月

大冰害豆麥橘柚五年大水饑六年八月虎入治城巡檢

高寧射殺之七年七月大水海溢山崩隄決漂沒廬舍人

畜夜燐火被海有兵甲聲大饑十年春雨雹傷麥殺禽鳥
夏上林鄉地出血冬大水無麥大饑斗米直銀一錢三分
十二年四月地震螟害麥十二月至閏十二月大雪十三
年秋海溢十四年夏旱饑秋海溢訛言雞斃盡殺之十五
年夏大旱饑康熙志

嘉靖元年夏龍見於附子湖壞舍拔木秋龍見於孝義鄉
二年夏旱饑三年螟大饑四年夏旱疫六年春夏大水無
麥苗大饑八年螟害麥蝗害稼十年八月大水十二年十
三年薦饑案乾隆府志云十八年旱十九年夏蝗禳之即
散秋大水二十三年旱二十四年大旱斗米直銀二錢二

十五年海溢二十六年陳氏鵝生三掌原注留青日札二十八年

餘姚縣志

卷七

祥異

五

雨血於梅川徐珮家庭中盡赤二十九年疫三十一年旱
李樹生瓜三十七年訛言有妖徹夜禦之月餘乃息三十
八年三十九年旱四十年秋澇四十三年夏大旱康熙志

隆慶三年颶風海嘯漂沒人畜無算康熙志

萬曆元年旱三年海嘯壞廬舍四年虎亂康熙志六年有喜

鵲數萬集於江橋邵晉涵姚江權歌自注是年册立王皇后七年旱康熙志九年

冬東門外居民蔣家樓下地出血流滿室中上濺樓板乾隆

府志十年旱十四年地震十五年春有虎從水門入城秋淫

雨冬大風折木十六年春大饑雙雁民殺子而食夏旱十

七年大旱七月地震十八年十九年薦饑二十一年旱二

十三年春雪彌月不霽二十六年旱二十九年訛言倭至

冬多虎康熙志三十年東山鄉杜氏子年百三十八歲謝起龍東

山志原注朱鑿灘土名杜灘萬懋壬寅有杜氏子年百三十八歲御史聞之召至邑城動履健捷齒髮無恙與之

語多弘正開事後復十餘年始卒

天啟七年七月大水康熙志

崇禎元年七月二十三日海溢漂沒廬舍人畜無算七年

八月大水八年地震十三年文廟柏樹見雀鴛十四年正

月雨雪不止六月蝗大饑十七年旱康熙志

國朝

順治三年餘姚內附城隍廟火康熙志甘露降於松皇朝文獻通考

四年甘露降化安山松樹五年四月雨雹十一年十二月

大寒江水皆冰十五年七月大風十八年大旱饑康熙志

餘姚縣志 卷七 祥異 六

康熙二年六月大風潮三年八月大水四年五年螟薦饑

七年六月地震生白毛九年六月大風害稼康熙志二十六

年南山患虎黃百家學二十八年北鄉胡氏牛產麒麟康熙

志乾隆志引居易錄云烏山胡氏有牛產一麟狼項馬足鬻身牛尾徧體肉麟金紫相錯二十九年

七月八月大風雨山出蛟崩決湧紅水者于計平地水高

丈餘漂溺民居無算禾稼無子粒大饑冬大寒江水皆凍

康熙志乾隆志引居易錄云餘姚大水蛟蜃出者以千

計縣西三十里有宋元符古屋一所當時之人刻水痕於

廳柱留示子孫是年水較舊痕增二尺五寸乾隆府志

引俞志云是年諸餘上三縣皆被水災而餘姚尤甚千山

盡裂湧水流沙田禾淹沒牆垣沖倒平地水深丈餘屍棺

飄泊田開知府李鐸以聞蒙皇恩蠲免本年地丁銀三萬三十二兩四錢三分給發歷年捐贖積穀三千四百九十二石零振給災黎李鐸自典驚衣珥首倡捐募位請總督巡撫藩司并合屬官紳士庶得米二萬七千餘石棉衣三千餘件親臨賑濟窮鄉僻壤無不身到又見沿途飄流

屍棺甚多藩司馬公如龍捐俸二十兩李鐸捐米一百四
十餘石即令各鄉壯年饑民每名日給工米三升盡力掩
埋共收埋無主屍棺七百八十九口買棺殮埋暴露屍骸
三十石八口是以雖災不害乾隆志云總督興捐米二千
五石十石巡撫張捐米六百五石李布政司馬捐米三千石
鹽法道任捐米三百石訓導方捐米十石蔣錫祉捐米一千石
縣康捐米三百石徐世傑捐米四百石蔣珍捐米四百石
徐之煌捐米五百石徐高選之捐米四百石蔣高陽捐米
石景王祐捐米四百石徐高選之捐米四百石蔣高陽捐米
四百石徐景濤捐米三百石謝楚玉捐米二百石蔣芳捐米
人其昌捐米二百石聞人鎮捐米二百石蔣益生捐米
石聞人伊捐米二百石謝理捐米一百石蔣進捐米一百石
米一萬五石陸時成捐米一百石施進捐米一百石
楊圭章捐米一百石朱子範捐米一百石魯五聚捐米一百石
百石姜芳侯捐米一百石徐燭捐米一百石
石張本信捐米一百石以下不徧載三十年有年康熙
志三十二年九月大水尺樓詩集三十四年元日竹浦潮

落過半忽驟長數尺排空逆湧而上逾時甫消又黃箭山

山鳴聲如洪鐘聞徹遠邇黃千人三十八年四明山產石

餘姚縣志 卷七 祥異 七

芝夏旱秋久雨敗稼天尺樓四十一年南山患虎學箕

雍正元年夏六月餘姚海濱捕魚人午後見波浪間浮金

冠數十漸至海岸潭口逐潮上下漁人駕舟撈取不能得

一 是年秋七月海嘯颶風作潮壞隄漂廬舍萬家人民俱

淹乾隆二年七月海溢漂沒廬舍溺死二千餘人奉 恩

旨振恤十一年鳳亭雙雁等鄉有虎患次年乃止乾隆

乾隆九年海嘯害棉花奉 恩旨振恤十六年大饑奉

恩旨振恤各紳士捐米有差其十九年七月大水乾隆二

十四年耆民岑及先年一百二歲申請 旌表乾隆二十

六年十二月大寒江水皆冰三十五年七月大風潮乾隆

四十一年汝仇湖北隈自石礎堰至臨山城東門外里許

且雨小麥黃豆徧地人拾歸可食片時無數乾隆四十二年大有年志

初土中得古大槩一鐵貓一尙未糜壞地距海五十里五

十三年冬十一月日午姚北海煙波上浮蜃樓盡赭色兩

日不散自道塘鋪至黃家埠二十里長對下有樹木臺榭

城堞牛馬奔走康衢人物衣冠萬國來朝狀百姓聚觀以

爲 國家平治休祥所致五十五年耆民馬占友年九十

一歲五代一堂夫婦齊眉申請 旌表乾隆五十九年秋

荒景雲雪寶集

嘉慶二十五年旱鹹潮達通明堰七月二十三日大風雨

新嵯蛟發上虞梁湖後郭隄決水及邑境晚禾盡沒葉維

餘姚縣志 卷七 祥異 八

道光元年大疫雞翅生爪三年海溢歲饑捐振五年七月

十日大風壞廬舍拔木損禾棉七年七月二十四日大風

海溢八年四月潮一日三至九年棉熟禾稼歉收十年彗

星見西方十一年夏淫雨害稼秋大水十二年歲歉米價

騰貴十三年大饑米盡民食草根樹皮十四年秋海潮入

利濟塘闔境受災姚江小志原注十三年十四年疊報

錫洪葆南葉樊皆自備資斧常十五年夏旱朱文治繞竹

相戒日減用幾錢多活幾命山房詩集

十六年大疫十八年有年姚江小志彗星見東北二十年道路

臺麥秀兩歧十一月大雪厚三尺餘市中鮭菜薪樵皆絕

沈貞半讀 書屋筆談 二十一年冬大雪二十二年六月朔日食既白

晝如夜七月大水害晚禾姚江小志二十四年夏大旱半讀書屋筆談

二十六年六月訛言紙人崇人空中能作人語七月三十

日夜半地大震紙人之謠乃息二十七年秋旱二十九年

三月十日虞宦街災姚江小志芒種後大雨積旬川澤皆滿平

地水高三尺饑民汎舟乞食往來如織半讀書屋筆談

原注時占城稻木棉皆槁邑城以北赤地百里老農有識

者教民購小米番薯種之民無道殣三十年八月新嶸

發蛟決上虞後郭隄縣境被水姚江小志

咸豐元年禾棉皆熟二年大有年姚江小志十一月初六日夜

地震三年三月初十日夜半地復震四年六月界堰路嘉

禾雙穗十一月初五日巳刻天見青氣如匹帛十二月雨

豆於雙河上林湖大如豌豆芳甘可食五年正月二十八

餘姚縣志

卷七 祥異 九

日夜大雨雪震雷夏彗星見於翼半讀書屋筆談六年八月蝗入

年夏淫雨損禾九年夏彗星見於西方歲大稔十一年冬

十二月大雪平地積四五尺姚江小志

同治二年大有年六年十一月十三日虞宦街災九年九

月三十日雨雹損禾十二年夏秋旱十三年秋冬旱

光緒三年正月六日南城直街災五月二十三日大風拔

木六年舜江樓災七年彗星昏見一月乃止八年彗星復

見九年秋七月海再溢大風雨雙雁出蛟設籌振局振饑

闔邑籌集洋銀二萬九千五百餘圓邑人邵友濂時為蘇
松太兵備道捐廉銀二千圓勸上海協振銀八千圓助振
十年秋八月大水十一年十二年歲稔十四年八月二十
三日東北鄉流洪禾棉皆損十五年七月二十七日蛟水

暴發衝決隄塘壞廬舍無算八月至十月淫雨四十七日

晚禾木棉歉收饑民四起案是時西鄉受害最甚北是年

冬及次年春次第籌振奉旨振恤免十六年奉次之恩旨蠲

十分散施而自十五年至次年四月官紳合謀散振圖

振次第舉兼用以及開掘引水自道塘全竈西至上虞界凡三

戶口給錢並開掘小里堰下河道修理各處壩閘橋梁共用

洋銀六千六百五十圓錢一萬七千一百餘緡又平糶購

米九千一百五十三石零耗費洋銀七千六百八十餘圓

以上用款皆出於上海協振公所義振及省撥官振委員

到地散放其各鄉圖振則給米給穀給錢立法不一紳富

共計出錢二萬四千八百二十餘緡洋銀一千七百十餘圓

統計冬春兩振共用錢四萬一千九百十六年三月二十

三十餘緡洋銀一萬六千四百四十餘圓

六日南城直街災自北固門而南築公牆三道知縣忠滿

記光緒紀元之十有六年歲在庚寅三月余攝餘姚縣事

甫三日而南城火南城列肆數百市宅櫛比蓋邑之繁盛

餘姚縣志 卷七 祥巽

處也余急馳往營救力竭不得解自念無狀手冠服投火

中於是始熄毀者且數百間既謀所以防之者言人人殊

余以爲水患宜於導火患宜於堵乃議創建公牆三道眾

口僉同遂捐錢二百千爲之倡罰肇火者錢亦如之不足

則貸之邑人而令屋之主入與租其屋者於兩年內各出

兩月之屋租償焉計共集資二千餘緡數日而公牆成夫

州縣爲親民之官若其視民事如秦人視越人之肥瘠漠

焉不加喜戚於其心惡觀所謂親也今余適承其乏不敢

存五日京兆之見苟利於民期於必爲其亦盡余之倦倦

樹監工朱肇基施補十八年十一月至十二月大寒多雪

臣朱立基例得備書

江水皆冰十九年八月游源出蚤十月十八日南城公牆

外災添築公牆二道知縣周炳麟增築南城公牆記癸巳

巷起西北至醴醴街初滿洲忠君攝篆時南城市慶百餘開竭

而自醴醴街會同邑紳築公牆三道以堵之至是纔逮三棋

善二君以明效易見而慮集資成事之難余曰備豫不虞

古之善教踵而增之余之責也亦君等所不容辭也乃議
增築兩道捐錢三百千授之二君俾董其事是役也集資
之法悉照前忠君議而免首火之科罰得殷紳之慨助凡
度基購地知工底材一閱月而事藏共用錢二千二百餘
緡樂觀厥成爰紀其略
安堵無恐借壽貞珉

餘姚縣志卷七祥異終

光緒重修

餘姚縣志

卷七

祥異

十一